

# Kenele saattaa tarjota lastenhuoltoa jos koulu, esikoulu, vapa-aijan koulu eli muu petagookinen toiminta suljethaan?

MSB1558–huhtikuu 2020

Viirysairaus covid-19:in tartunnan levikkeen estämistä hallitus eli koulun, esikoulun, vapa-aikankoin eli muu petagookisen toiminnan päämies saattaa päättää ette sulkea toiminnan.

Jos toiminta suljethaan häättyy huoltajalle, joka osalistuu tärkeässä yhteiskunnan toiminassa, tarjota jatkossaki lasten huoltoa.

Sulla, joka olet huoltaja, on mahdollisuus ilmoittaa huolon tarpeesta jos sinun työvoima on tarpeellinen pittää käynnissä tärkeätä yhteiskunnan toimintaa.

Sulla on kuitenkin oikeus huoltoon vain jos et itte saata järjestää huoltoa muulla tavalla. Jos on kaksi huoltajaa ja vain yksi teistä osalistuu tärkeässä yhteiskunnan toiminassa pittää lähtökohtana olla ette toinen ottaa lapsesta vaarin.

## Kuinkas mie tiän jos mie olen osana tärkeästä yhteiskunnan toiminasta?

Sinun työn- eli toiminnanantaja pittää, MSB:n *Sääntö ja yleiset ohjeet lastenhuolosta huoltajalle joka on tärkeässä yhteiskunnan toiminassa (MSBFS 2020:3 ja 2020:4)*, arvostella jos se toiminta mitä tehään on tärkeä yhteiskunnalle.

Sinun työn- eli toiminnanantaja pittää kans arvostella minkäläistä henkilökuntaa tartethaan ette pittää käynnissä toimintaa tyydyttävälä tasola.

Puhu sinun työn- eli toiminnanantajan kans ja sillä tavalla saat tietää jos sie olet yksi niistä ketä tartethaan.

## Kuinkas mie piän tehä jos mie tartten huoltoa?

Jos sie tarttet huoltoa, ja et ole saattanu järjestää sitä omin voimin, sie piät ilmoittaa sinun tarpeista kotikunthaan eli koulun, esikoulun, vapa-aikankoin eli sen petagookisen toiminnan päämiehele mitä asia koskee.

### Mikäs on tärkeä yhteiskunnan toiminta?

Toiminat jotka saattavat aiheuttaa yhteiskunnan häiriötä jos se toiminta saapi häiriötä eli loppuu. Eli sellaiset jotka tartethaan ette käsitellä käynnissä olevaa yhteiskuntahäiriötä.

Näitä hoitaa suuri läjä privaattia ja julkisia aktööriä.

Hallitus määrittelee 12 yhteiskunta sektoria joissa on tärkeätä yhteiskunnan toimintaa:

- Enersjiin hankintapalvelu
- Finansipalveluja
- Kauppa ja teollisuus
- Terveys- ja siikkahoito sekä huolto
- Informasjuuni ja komyntikasjuuni
- Kunnantekninen hankintapalvelu
- Ruokatavaraa
- Militääripuolustus
- Julkinen hallinta
- Suoja ja turva
- Sosiaalivakkuutukset
- Kuljetus

Näitten sektoritten kuvauksia ja esimerkkiä mikkä toiminat jotka on tärkeät yhteiskunnalle löyät tästä:

*Sääntö ja yleiset ohjeet lastenhuolosta huoltajalle joka on tärkeässä yhteiskunnan toiminassa (MSBFS 2020:3 ja 2020:4)*

Lue lissää verkkosivulla:

[www.msb.se/foreskriftomsorg](http://www.msb.se/foreskriftomsorg)

Kotikunta eli päämies saattaa antaa tietoja sulle kuinka sie piät ilmottaa lasten huolon tarvetta.

Jos kotikunta eli päämies kyssyy, sie piian tarttet vahvistaa sinun huolon tarvetta toistuksela minkä saat sinun työn- eli toiminanantajalta.

## Kuinkas kauas mie huoltajana piän mennä ette järjestää huoltoa "muula tavala"?

Sie piät ensi käessä kattoo maholisuutta ette pittää lapset kotona, koska koulunsulkemisen tavote on ette vähentää tartunan levikkeen riskiä.



Älä taho riskiryhmitten henkilöitä, esimerkiks vanheempia sukulaisia, lastenvahiksi!

### Kukas on päämies?

Päämies on kunta jos se on kunnallinen esikoulu eli koulu ja esimerkiksi koulun johtokunta jos se on erillinen esikoulu eli koulu.

## Mihinkäs mie kääny jos on kysymyksiä?

Kysymyksiä jotka koskevat koulunsulkemista:

Koulun, esikoulun, vapa-aijankoin eli muun petagookisen toiminan päämies.

Kysymyksiä mikä on tärkeä yhteiskunnan toiminta ja Sääntö ja ylheiset ohjeet lasten huolosta huoltajalle joka on tärkeässä yhteiskunnan toiminassa:

Yhteiskuntasuojan ja valmiuen virasto

Veppi: [www.msb.se/foreskriftomsorg](http://www.msb.se/foreskriftomsorg)

E-posti: [samhallsviktigverksamhet@msb.se](mailto:samhallsviktigverksamhet@msb.se)